

**PRAVILNIK
O DODJELI STIPENDIJE "PROF. DR. HUSEIN
KULENOVIĆ" UČENICIMA I STUDENTIMA****I - OPĆE ODREDBE**

Član 1.

Pravilnikom o dodjeli stipendije "Prof. dr. Husein Kulenović" učenicima i studentima (u daljem tekstu: Pravilnik) utvrđuju se opće odredbe, pravo i uslovi za ostvarivanje općinske stipendije redovnim studentima i učenicima srednjih škola koji imaju prebivalište na području općine Centar Sarajevo.

II - PRAVO I USLOVI

Član 2.

- (1) Pravo na stipendiju po ovom Pravilniku imaju učenici srednjih škola i studenti koji se nalaze na redovnom školovanju u srednjim i visokoškolskim ustanovama i koji ispunjavaju slijedeće kriterije:
 - a) da imaju prebivalište na području općine Centar Sarajevo u neprekidnom trajanju od 1 (jedne) godine do dana podnošenja prijave za dodjelu stipendije;
 - b) da su u prethodnoj školskoj/akademskoj godini imali slijedeći uspjeh u školi, odnosno fakultetu:
 - učenici srednjih škola sa najmanjom prosječnom ocjenom od 4,00, a učenici prvog razreda srednje škole koji su u toku osnovnog obrazovanja odnosno od šestog do devetog razreda, stekli prosjek ocjena od najmanje 4,00,
 - redovni studenti prve godine prvog ciklusa studija sa najmanjom prosječnom ocjenom od 4,00 iz završnog razreda srednje škole,
 - redovni studenti prvog i drugog ciklusa studija, koji prvi put upisuju tekuću akademsku godinu na nekoj od visokoškolskih ustanova sa prosjekom ocjena od najmanje 8,00.
- (2) Svi učenici i studenti iz tački a) ovog člana sa prosjekom ocjena 5,00, odnosno sa prosjekom ocjena 9,50 i više ostvaruju pravo na dodjelu stipendije, te nisu obavezni dostavljati dodatnu dokumentaciju o ispunjavanju dodatnih uslova iz člana 6. ovog Pravilnika.
- (3) Pravo na stipendiju ostvarit će i djeca umrlih uposlenika Općine Centar Sarajevo, koja se nalaze na redovnom školovanju u osnovnim i srednjim školama, te visokoškolskim ustanovama, bez obzira na kriterije utvrđene ovim Pravilnikom.

Član 3.

- (1) Pravo na stipendiju ne mogu ostvariti učenici/studenti koji koriste stipendiju po nekom drugom osnovu, koji su obnovili godinu i apsolventi.

Član 4.

- (1) Stipendije se dodjeljuju za jednu školsku godinu i isplaćuju se 10 mjeseci u kojima se nastava odvija iz namjenski obezbijedenih sredstava.
- (2) Broj stipendija koje se dodjeljuju za svaku školsku/akademsku godinu utvrđuje se na osnovu raspoloživih sredstava u Budžetu Općine Centar Sarajevo, koja se procentualno raspoređuju u omjeru 60% za studente, a 40% za učenike.
- (3) Izuzetno od odredbe iz stava (2) ovog člana, u slučaju većeg broja prijava od strane učenika u odnosu na prijave studenata, sredstva se procentualno mogu rasporediti i u drugom omjeru, a s ciljem obuhvata što većeg broja kandidata.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i čl. 10. i 68. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), Općinsko vijeće Centar Sarajevo je, na 52. redovnoj sjednici, održanoj dana 04.06.2020. godine, donijelo

(4) Visina mjesečne stipendije iznosi:

a) za učenike srednjih škola	70,00 KM,
b) za učenike srednjih škola iz člana 2. stav (2)	90,00 KM,
c) za studente	100,00 KM,
d) za studente iz člana 2. stav (2)	110,00 KM.

Član 5.

- Izbor kandidata za stipendiranje vrši se na osnovu kriterija iz člana 6. ovog Pravilnika, a putem prijave na konkurs.
- Općinski načelnik na prijedlog Službe za boračko-invalidsku, socijalnu zaštitu i društvene djelatnosti - Odsjek za društvene djelatnosti (u daljem tekstu: Služba) raspisuje konkurs.
- Konkurs se objavljuje u dnevnim novinama, oglasnoj ploči i zvaničnoj web stranici Općine, najkasnije do 31. oktobra za tekuću školsku/akademska godinu, i sadrži uslove koje kandidati moraju ispunjavati, potrebnu dokumentaciju, saglasnost za korištenje ličnih podataka u skladu sa Zakonom o zaštiti ličnih podataka, rok za podnošenje prijave, način podnošenja prigovora i druge potrebne podatke.

Član 6.

- Stipendije za učenike srednjih škola odnosno studente dodjeljuju se na osnovu broja bodova koji se utvrđuju za svakog prijavljenog kandidata prema slijedećim kriterijima:

a) Bodovi po osnovu rezultata u učenju:

- Za učenike srednjih škola prosječna ocjena u prethodnoj školskoj godini zaokružena na dvije decimale i pomnožena sa 10 (pr. ocjena x 10);
- Za učenike prvog razreda srednje škole, prosječna ocjena ostvarena u posljednja četiri razreda osnovne škole, zaokružena na dvije decimale i pomnožena sa 9 (pr. ocjena x 9);
- Za studente na prvoj godini prosječna ocjena u IV razredu srednje škole zaokružena na dvije decimale i pomnožena sa 18 (pr. ocjena x 18);
- Za studente viših godina studija prosječna ocjena u prethodnoj godini studija ili prosjek ocjena iz prethodnih godina studija zaokružena na dvije decimale (u slučaju kada obrazovne ustanove ne izdaju potvrdu o prosjeku ocjena za prethodnu godinu) i pomnožena sa 10 (pr. ocjena x 10).

b) Dodatni bodovi po osnovu rezultata postignutih na takmičenjima koja se realizuju u skladu sa kalendarom takmičenja Ministarstva za obrazovanje, nauku i mlade Kantona Sarajevo

Nivo takmičenja	Bodovi za učešće	Osvojeno mjesto	Bodovi za osvojeno mjesto
Kantonalno	1	1.	4
		2.	3
		3.	2
Federalno	2	1.	7
		2.	6
		3.	5
Državno	3	1.	10
		2.	9
		3.	8
Međunarodno	4	1.	13
		2.	12
		3.	11
Olimpijada	5	1.	16
		2.	15
		3.	14

- Osvojeno mjesto isključuje bodovanje po osnovu učešća.

- Za rezultate ostvarene na sportskim takmičenjima koja nisu obuhvaćena Kalendarom, bodovi se dodjeljuju na osnovu potvrde odgovarajućeg strukovnog sportskog saveza, a u skladu sa predviđenim bodovanjem u tabeli.

c) Dodatni bodovi po osnovu niskog porodičnog standarda:

Ukupni prihodi po članu domaćinstva u odnosu na prosječnu plaću u Federaciji BiH za prethodnu godinu	Bodovi
bez novčanih primanja	20
do 25%	15
od 25% - 50%	10
od 50% - 75%	5
od 75% - 100%	3
preko 1 prosječne plaće u Federaciji BiH	1

- Ukupan prihod domaćinstva kao uvjet za ostvarivanje prava po ovom Pravilniku čine prihodi koje članovi domaćinstva ostvaruju po osnovu:
 - plaća i drugih primanja iz radnog odnosa,
 - starosne, invalidske i porodične penzije,
 - poljoprivredne djelatnosti,
 - primanja po propisima iz invalidsko-boračke zaštite i zaštite civilnih žrtava rata,
 - prihoda ostvarenih po osnovu imovinskih prava,
 - prihoda ostvarenih po osnovu autorskih prava,
 - prihoda ostvarenih po osnovu privrednih, uslužnih i drugih djelatnosti,
 - prihoda po osnovu registrovane dopunske djelatnosti.

d) Dodatni bodovi po osnovu otežanih uslova života

1) učenik/student bez jednog/oba roditelja	8/10 bodova;
2) učenik/student čiji je jedan/oba roditelja neratni invalid	5/7 bodova;
3) učenik/student sa invaliditetom	7 bodova;

e) Dodatni bodovi po osnovu otežanih uslova života koji su nastali kao posljedica rata

1) učenik/student bez oba roditelja koji su poginuli kao pripadnici Oružanih snaga koje su učestvovala u odbrani Bosne i Hercegovine od 18.9.1991. - 23.12.1996. godine.	15 bodova;
2) učenik/student bez roditelja koji je poginuo kao pripadnik Oružanih snaga koje su učestvovala u odbrani Bosne i Hercegovine od 18.9.1991. - 23.12.1996. godine	10 bodova;
3) učenik/student čiji je roditelj/i RVI sa invaliditetom od 100 %	9 bodova;
4) učenik/student čiji je roditelj/i RVI sa invaliditetom od 50-90 %	7 bodova;
5) učenik/student čiji je roditelj/i RVI sa invaliditetom od 20-40 %	5 bodova;
6) učenik/student čiji je roditelj/i bio pripadnik Oružanih snaga koje su učestvovala u odbrani Bosne i Hercegovine od 18.9.1991.- 23.12.1996. godine za svaki mjesec učešća	0,1 boda;

f) Dodatni bodovi po drugim osnovama

1) učenik/student za svakog člana domaćinstva na redovnom školovanju	2 bodova;
2) učenik/student sa statusom perspektivnog sportiste	5 bodova;

- Prijavljeni kandidati se boduju po osnovu svih pet kriterija navedenih u ovom članu, za koje dostave dokaze o ispunjavanju istih.
- Ukoliko kandidati ne dostave dokaz o ispunjavanju dodatnih kriterija iz ovog člana, neće biti isključeni iz dalje procedure dodjele stipendije.
- U okviru jednog od navedenih kriterija, kandidati će ostvariti bodove samo po jednom od osnova, a koji je najpovoljniji za kandidata.

Član 7.

Kada prijavljeni kandidati pri bodovanju imaju isti broj bodova, prednost će imati:

- kandidat koji ima bolji prosjek ocjena,
- kandidat čija su primanja po članu domaćinstva niža,
- kandidat iz viših razreda, odnosno godina studija.

Član 8.

- (1) Pristigle prijave svih kandidata za stipendiranje obrađuje Služba i na osnovu obrađenog materijala donosi i objavljuje preliminarnu rang listu učenika i studenata.
- (2) Preliminarna rang lista objavljuje se na oglasnoj ploči Općine Centar Sarajevo.
- (3) Na listu iz stava (1) ovog člana kandidati mogu u roku od osam dana od dana objavljivanja iste, podnijeti pismeni prigovor Komisiji za razmatranje prigovora koju imenuje Općinski načelnik (u daljem tekstu: Komisija).
- (4) Odluku o prigovoru, Komisija će donijeti u istom roku, računajući od dana njegovog podnošenja.

Član 9.

- (1) Konačnu odluku o izboru kandidata donosi Općinski načelnik, a na osnovu kriterija i mjerila utvrđenih ovim Pravilnikom.
- (2) Svaki prijavljeni kandidat na konkurs pismeno se obavještava o rezultatima konkursa u roku od 15 dana po izvršenom izboru kandidata.

Član 10.

- (1) Sa izabranim kandidatima, zaključuje se Ugovor o dodjeli stipendije za tekuću školsku/akademsku godinu, kojim se regulišu međusobna prava i obaveze učenika/studenta i Općine Centar Sarajevo.
- (2) Ugovor potpisuje roditelj/staratelj malodobnog učenika odnosno učenik/student s jedne strane i Općinski načelnik, s druge strane.

Član 11.

- (1) Pravo Općinskog načelnika je da obustavi isplatu stipendije učeniku/studentu ukoliko:
 - a) napusti redovno školovanje,
 - b) izgubi pravo na dalje školovanje iz neopravdanih razloga,
 - c) se utvrdi da prima stipendiju po nekom drugom osnovu.
- (2) U slučajevima predviđenim u stavu (1) ovog člana, potpisnik Ugovora dužan je izvršiti povrat dodijeljenih sredstava najkasnije do kraja tekuće godine.

III - PRELAZNE I ZAVRŠNE ODREDBE

Član 12.

Stupanjem na snagu ovog Pravilnika prestaju da važe Pravilnik o stipendiranju učenika i studenata ("Službene novine Kantona Sarajevo", broj 33/18) i Pravilnik o dodjeljivanju stipendije "Prof. dr. Husein Kulenović" nadarenim učenicima i studentima ("Službene novine Kantona Sarajevo", br. 45/17 i 33/18).

Član 13.

Ovaj Pravilnik stupa na snagu danom objavljivanja na oglasnoj ploči Općine Centar Sarajevo, s tim da će se naknadno objaviti u "Službenim novinama Kantona Sarajevo".

Broj 01-34-115/20
04. juna 2020. godine
Sarajevo

Predsjedavajuća
Općinskog vijeća
Karolina Karačić, s. r.

Ovaj pravilnik je objavljen na oglasnoj ploči Općine Centar dana 11.06.2020. godine.